

洪憲元年二月二十三日星期三第四十八號

政事堂印鑄局發行

北京東長安牌樓王府井大街
電話東局二百零一號

政 事 公 報

本報價目

- 一本報按照陽曆每日出報一號
 - 一定購三月者收回大洋二元三毛
 - 一定購長年者收回大洋八元
 - 一外埠購報每半年加郵費洋一元
 - 一定購一月者收回大洋八毛
 - 一定購半年者收回大洋四元五毛
 - 一零售每號銅元五枚以本日為限
 - 一裝訂每月收回大洋一毛五分不裝訂者聽
- 如送報夫役私自加價請告知本局以便查究是為至要

目錄

命令

奏摺

國務卿奏據銓叙局詳核交通部學習期滿各員叙官摺(附單)

內務部奏遴員婁裕熊接充綏遠墾務總辦摺

財政部奏本部附屬機關薦任委任待遇各員擬請分別叙官摺

財政部奏遼議山東籌備義務教育辦法摺

財政部奏兼鹽務督辦周學熙奏遴員試署廣東博茂場知事員缺并懇准予覲摺

財政部奏兩浙東江場知事員缺并懇准予覲摺

陸軍部奏薦任周祖謀充任興武將軍行署軍需課長并請緩覲摺

蒙藏院奏錫盟盟長及烏珠穆沁旗郡王等各請獎劄匪出力人員據情核議恭摺祈鑒摺

直隸巡按使朱家寶奏調任陝西榆林道尹何炳庠現丁父憂竊懇准予開缺摺

安徽巡按使李兆珍奏簡任職人員鄭孝棧等請予分別叙官摺

江西巡按使威揚奏分發縣知事段錫二等到省一年期滿照章甄別繕單請鑒摺(附單)

江西巡按使威揚奏現署縣缺知事阮斌士等

到省一年期滿照章甄別繕單請鑒摺(附單)

署四川巡按使陳宦奏報四年十二月分委署各縣知事繕單請鑒摺(附單)

察哈爾都統張懷芝奏揀員王丙彜代理涼城縣知事員缺摺

察哈爾都統張懷芝奏總管卓特巴扎普因公赴京籲懇覲見據情代奏摺

察哈爾都統張懷芝奏察屬各軍事機關遵照懲治盜匪法詳經核准槍斃盜犯列表彙報摺

咨

籌備國民代表大會事務局咨國民代表選舉監督

熱河按察使哈爾都統 蒙藏院總裁 各省將軍 巡按使 京兆尹 本局奏 福建 貴州 護軍使 川邊鎮守使

國民代表大會黑龍江省選舉監督冊報先後辦理兩項投票情形一摺奉批交部查照鈔錄咨請查照文

吉林巡按使公署咨政事堂印鑄局遵令將外交部吉林交涉署民國四年分發又號數列表送登公報又(附表)

示

農商部示(續)

廣告

命令

政事堂奉

策令任命李殿臣為陸軍第三混成旅步兵第一團團長郝得志為第二團團長此令

政事堂印

洪憲元年二月二十二日

國務卿陸徵祥

政事堂奉

策令任命陳清源為陸軍第三師步兵第五旅第九團團長所遺之缺應准以王槐詩充任陸軍第三師步兵第九團第一營營長此令

政事堂印

洪憲元年二月二十二日

國務卿陸徵祥

政事堂奉

策令陸軍第四師步兵第八旅第十五團團長吳長植著調京另有要差此令

政事堂印

洪憲元年二月二十二日

國務卿陸徵祥

政事堂奉

策令任命劉永勝爲陸軍第四師步兵第八旅第十五團團長所遺之缺應准以賈萬勝充任
陸軍第四師步兵第十五團第一營營長此令

政事
堂印

洪憲元年二月二十二日

國務卿陸徵祥

政事堂奉

策令任命畢化東爲陸軍第六師步兵第二十二團團長王其鳳爲陸軍第六師礮兵第六團
團長此令

政事
堂印

洪憲元年二月二十二日

國務卿陸徵祥

政事堂奉

策令陸軍部奏請任命汪樹信爲陸軍第六師步兵第二十二團第三營營長方振德爲陸軍
第六師礮兵第六團第二營營長應照准此令

政事
堂印

洪憲元年二月二十二日

國務卿陸徵祥

政事堂奉

策令陸軍部奏請將關宗漢、歐福慶、黃茂勝均授為陸軍步兵中校，李貴廷、紀策、楊天墀、李長祖、胡思堯、邱國臣、賴光、黃鵬遠、陸丘岳、李增輝、朱英才均授為陸軍步兵少校，應照准此令。

政事堂印

洪憲元年二月二十二日

國務卿陸徵祥

政事堂奉

策令陸軍部奏請將向友益授為陸軍騎兵中校，鄂英、李寅均授為陸軍步兵少校，吳兆熊授為陸軍騎兵少校，應照准此令。

政事堂印

洪憲元年二月二十二日

國務卿陸徵祥

陸軍部奏請簡陸軍第六師步兵第二十二團礮兵第六團團長人員，暨薦任汪樹信等充任營長，并請暫緩覲見，由

政事堂奉

批令畢化東等已另有令任命并准緩覲此令

政事堂印

洪憲元年二月二十二日

國務卿陸徵祥

陸軍部奏請簡團長員缺并懇准緩覲由

政事堂奉

批令已另有令任命并准緩覲單存此令

政事堂印

洪憲元年二月二十二日

國務卿陸徵祥

陸軍部奏遵請將向友益等補授陸軍實官由

政事堂奉

批令向友益等已另有令明發餘併准如所擬分別授官單存此令

政事堂印

洪憲元年二月二十二日

國務卿陸徵祥

參謀本部奏代陳各省陸軍測量局局長董紹祺等給章謝悃由

政事堂奉

批令悉此令

政事堂印

洪憲元年二月二十二日

國務卿陸徵祥

湖南巡按使沈金鑑奏查明長沙縣前因河水漲發圍堤潰決田畝損傷籲懇蠲緩額徵錢糧恭摺祈鑒由

政事堂奉

批令准予分別蠲緩以紓民力交財政部核明彙奏並交內務部查照此令

政事堂印

洪憲元年二月二十二日

國務卿陸徵祥

察哈爾都統張懷芝奏團長褚其祥等奉令開復原官代陳感忱由

政事堂奉

批令悉此令

政事堂印

洪憲元年二月二十二日

國務卿陸徵祥

察哈爾都統張懷芝奏察哈爾正黃旗滿洲理刑員外郎恆溥劄索被控查覆屬實擬請先行褫職發交法庭訊辦由

政事堂奉

批令恆溥著先行褫職提交法庭訊辦以儆官邪交司法部查照此令

政事堂印

洪憲元年二月二十二日

國務卿陸徵祥

察哈爾都統張懷芝奏委任分省人員邊度春暫代豐鎮縣知事並懇准將該員留察任用以資治理由

政事堂奉

批令悉邊度春准其留察任用交內務部查照此令

政事堂印

洪憲元年二月二十二日

國務卿陸徵祥

奏摺

國務卿奏據銓叙局詳核交通部學習期滿各員叙官摺(附單)

奏為遵核交通部學習期滿各員叙官資格恭摺仰祈 聖鑒事據銓叙局詳稱本年一月十二日奉交交通部奏本部學習期滿辦事員侯霖等擬請援案叙官一案奉 批令交政事堂飭銓叙局核叙冊並發此令等因查各部學習期滿各員叙官業經由局遵核先後詳請奏准在案現交通部學習期滿辦事員侯霖等叙官由該管長官奏准交局自應遵照辦理茲將各該員資格詳加審查均屬相符開單詳請轉奏等情前來理合恭摺具陳伏乞 皇上聖鑒訓示謹 奏

政事堂奉

批令准如所擬分別授官單存此令

政事堂印

洪憲元年二月十六日

國務卿陸徵祥

謹將交通部學習期滿各員叙官名單開列恭呈

御覽

計開

交通部學習期滿辦事員曹振中

以上一員積資四年以上並曾為委任職按照文官官秩令應授為上士

交通部學習期滿辦事員侯霖 張杏林 婁翼軫 水祖堯

以上四員積資二年以上並曾為委任職按照文官官秩令應授為中士

內務部 財政部 農商部 奏遴員婁裕熊接充綏遠墾務總辦摺

奏為遵員接充綏遠墾務總辦仰祈 聖鑒事竊查綏遠墾務總辦聶樹屏病故遺缺臣財政部因一時未能遴選得人當經奏請派委察哈爾墾務總辦龍驥暫行兼代欽奉 批准在案茲查綏遠墾務關係重要

察綏相距遙遠恐難兼顧自應另派專員辦理以重職守查有政事堂存記婁裕熊歷充要差均著成效於蒙邊情形尤為熟悉擬請 派充綏遠墾務總辦俾資整頓謹恭摺會陳伏乞 皇帝陛下聖鑒訓示再此案係由財政部主稿會同內務農商兩部辦理合併聲明謹 奏

政事堂奉

批令准予派充此令



洪憲元年二月十七日

國務卿陸徵祥

財政部奏本部附屬機關薦任委任待遇各員擬請分別叙官摺 聖鑒事竊查文官秩令第六條內奏為本部附屬機關薦委待遇各員擬請分別叙官恭摺具陳仰祈 命令行之又准銓叙局咨開本局前為京外薦委各員叙官擬

開凡薦委職授官加秩由所屬長官呈請 批閱等因相應咨行轉行所屬各機關查照等因准此茲查有本部請交局核覆經詳由國務卿轉呈奉 批閱等因相應咨行轉行所屬各機關查照等因准此茲查有本部

所屬京師張家口殺虎口塞北稅務等關薦委待遇各員率皆在事宣勤資勞素著既據該監督等開具各該員資格履歷詳請分別叙官前來合無仰懇 天恩俯准飭交政事堂銓叙局照章分別核叙以重資勞再

京師稅務監督署坐辦襄辦正辦秘書洋務員各科科长張家口稅務監督署各科科长各分關委員均係薦任待遇其務監督署各科科长各分關委員均係薦任待遇其餘各員均係委任待遇合併聲明所有本部附屬機關薦委待遇各員擬請分別叙官緣由理合繕具清單恭

摺具陳仰祈 聖鑒訓示再此

摺具陳伏乞 皇帝陛下聖鑒訓示謹 奏

政事堂奉

批令交政事堂飭銓叙局核叙單並發此令

政事堂印

洪憲元年二月十七日

國務卿陸徵祥

財政部奏遵議山東籌備義務教育辦法摺

奏為遵議山東籌備義務教育辦法恭摺會陳仰祈

聖鑒事竊承准政事堂鈔交山東巡按使蔡儒楷奏

籌備山東義務教育四項辦法繕單具陳一案奉

批令交財政教育兩部會同妥籌議復單并發此令等

因并將原奏單鈔交到部臣等查義務教育為立國根本關係綦重該省所擬籌備辦法核與教育部前次呈准義務教育施行程序各事項大致相同自應照准以期教育逐漸普及民智既開國基始固惟第一項籌集經費甲款保存固有學款一節該省劃歸學款之書院舊款地方各項款產及附加稅等未據報部有案查上年財政部呈覆保存固有學產案內聲明學田一項飭各省照舊保存其官有土地建築物之含有學款必須變賣者由財政廳核明原撥租息於所售產價中酌撥基本金以資補助校舍一項官立學堂准予撥用公立及私立學堂悉照地方團體作為租借等語該省關於官產事業仍應查照部章辦理此外各項如有已經提作別用者亦應由該省自籌抵補不得牽動預算又乙款教育附捐一節查財政部呈覆籌議田賦大綱案內聲明地方自治經費以現收正額十分之一為限嗣據該巡按使咨請以學費重要略事通融復經准加至十分之一五茲據稱此項附捐人民頗有樂輸之意應准如所擬由各地地方官妥酌辦理毋庸加入百分之十五限度計算以裕學款惟敢捐雖具有公益捐性質究與正賦不無影響該省徵收此項捐款現雖不加限制仍

應以不妨及正賦爲率至第四項督促就學甲款撥增設各區勸學員一節查教育部釐訂地方學事通則第二條訂明自治區爲辦理教育事務得就各該區畫分學區每一學區置一學務委員并經區畫認爲必要時得增設一人亦於學務委員會規程第二條內明白規定是學區區域既不至過廣即所需勸學人員視區域大小少則一人多則二人當亦敷用似可無庸另立各區勸學員名目致涉紛歧至地方興學人員如有成效卓著者應按照本年一月八日公布之地方興學人員考成條例辦理僥由縣知事分別給予獎勵尙不足以示鄭重以上各節臣等往復籌商意見相同如蒙 俞允即由臣部行知該巡按使遵照辦理所有遵議山東籌備義務教育辦法緣由是否有當理合恭摺會陳伏乞 皇帝陛下聖鑒訓示再此摺係由財政部主稿會同教育部辦理合併陳明謹 奏

政事堂奉

批令准如所議辦理即由該二部轉行遵照此令

政事堂印

洪憲元年二月十七日

國務卿陸徵祥

財政總長兼鹽務署督辦周學熙奏遴員試署廣東博茂場知事員缺并懇准予免親摺

奏爲遴員試署廣東博茂場知事員缺恭摺具陳仰祈 聖鑒事竊據兩廣鹽運使姚煜詳稱博茂場知事懸缺已久先經派委馮振華暫行代理現在該員因病辭職所遺員缺自應遴員試署查有改分廣東候補場知事周大鈞係浙江杭縣人年三十一歲前清附貢生日本早稻田大學政治經濟科畢業回國應留學生考試取列中等賞給法政科舉人廷試取列優等授七品小京官改授即用知縣籤分山東民國元年充財政部鹽務籌備處辦事員四年由前河東鹽運使倉永齡保薦場知事經審查合格分發四川十一月二十五

日由財政部呈准改分兩廣任用該員熟悉鹽務深嫻法律堪以試署博茂場知事等情查本年一月八日部
署奏准場知事甄別並補缺辦法案內規定分發各省場知事各員有學識優長而經驗或有未逮者一律先
行奏請試署至一年期滿如果稱職再由運使列舉成績詳署奏請實授等因欽遵在案茲據該運使以該員
熟悉鹽務詳請試署博茂場知事駁與定章相符合無仰懇 天恩俯准任命周大鈞試署博茂場知事如
蒙 俞允應俟試署一年期滿如果稱職再行奏請實授至該員係曾經部署請覲由國務卿代見後分發
人員可否准予免覲之處伏候 聖裁除將該員履歷咨送政事堂銓叙局外所有遴員試署廣東博茂場
知事員缺緣由理合恭摺具陳伏乞 皇帝陛下聖鑒訓示謹 奏

政事堂奉

批令周大鈞已另有令任命並准免覲交政事堂飭銓叙局查照此令

政事
堂印

洪憲元年二月十六日

國務卿陸徵祥

財政總長兼鹽務督辦周學熙奏遴員徐兆熊試署兩浙東江場知事員缺並懇准予免覲摺

奏為遴員試署兩浙東江場知事員缺恭摺具陳仰祈 聖鑒事竊據兩浙鹽運使胡恩義詳稱代理東江
場知事劉澍調省另有差委所遺員缺自應遴員試署查有分發浙江場知事徐兆熊係江蘇江都縣人年五
十二歲前清附貢生在福建防賑捐案內報捐鹽大使分發福建試用歷充福建金延催糧盤運延平倉鹽光
澤官運局邵安官運同等差民國四年由前兩浙鹽運使姚步瀛保薦場知事經審查合格分發兩浙任
用十二月到省該員熟悉鹽務富有經驗堪以試署兩浙東江場知事等情查本年一月八日部署奏准場知
事甄別並補缺辦法案內規定分發各省場知事各員有學識優長而經驗或有未逮者一律先行奏請試署

至一年期滿如果稱職再由運使列舉成績詳署奏請實授等因欽遵在案茲據該運使以該員熟悉鹽務詳請試署東江場知事覈與定章相符合無仰懇 天恩俯准任命徐兆熊試署東江場知事如蒙 俞允應俟一年期滿如果稱職再行奏請實授至該員係曾經部署請覲由左丞代見後分發人員可否准予免覲之處伏候 聖裁除將該員履歷咨送政事堂銓叙局外所有遴員試署兩浙東江場知事員缺緣由理合恭摺具陳伏乞 皇帝陛下聖鑒訓示謹 奏

政事堂奉

批令徐兆熊已有令任命並准免覲交政事堂銓叙局查照此令

政事堂印

洪憲元年二月十六日

國務卿陸徵祥

陸軍部奏薦任周祖謀充任興武將軍行署軍需課課長并請緩覲摺

奏為薦任課長並請緩覲見繕單恭摺仰祈 聖鑒事准興武將軍督理浙江軍務朱瑞咨稱本行署軍需課課長徐文俊業於民國四年五月間調任本署諮議官其課長一職即派該課課員周祖謀署理查該員自升署課長以來經理有方洵堪勝任相應檢同周祖謀履歷咨送大部請煩查照奏請任命該員為本行署軍需課課長再該課長職務重要一時未能遠離並請奏懇暫緩覲見合併聲明等因查周祖謀署理軍需課課長在陸海軍軍職任用暫行規則未經頒發以前既據聲稱署事以來尙屬稱職擬請准予補實以資策勵至課長職務重要未能遠離可否暫緩覲見之處恭候 批令祇遵是否有當理合繕單恭摺具陳伏乞 皇帝陛下聖鑒訓示謹 奏

政事堂奉

批令周祖謀已有任命明發并准緩覲軍存此令

政事堂印

洪憲元年二月十七日

國務卿陸徵祥

蒙藏院奏錫盟盟長及烏珠穆沁旗郡王等各請獎勵匪出力人員據情核議恭摺祈鑒摺

奏爲錫盟盟長及烏珠穆沁旗郡王等各請獎勵匪出力人員據情核議恭摺仰祈 聖鑒事准錫林郭勒盟烏珠穆沁左翼旗扎薩克郡王棍布蘇倫等咨呈本旗當庫倫肇亂之際署印協理台吉托布敦親練軍士保衛地方並與協理台吉旺沁蘇倫同力共濟率帶軍隊剿除賊匪多名當經呈報管理大軍之副都統在案該員等忠勇勞績應請轉奏給予嘉獎又隨同該協理等剿匪之扎蘭章京兼梅楞特古斯署管旗章京四等台吉達木金佐領額色勒克等自幼在旗辦公勤慎辛勞異常懇請一併獎勵等因又准錫盟盟長親王揚桑等呈稱茲准副盟長烏珠穆沁右翼扎薩克親王索諾木喇布坦咨稱十月林西鎮守使率兵到旗於十一月前往剿辦逆匪巴布扎布奮力擊戰賊勢大挫潰竄本旗達爾村搶劫慘殺當即派梅楞章京珠爾莫特帶領軍隊趕速前往剿辦攻擊數次殺去賊匪二百餘名賊即敗竄業經轉行林西鎮守使查照理合呈報貴院查核請予恩施獎勵以彰勞績各等因先後到院臣院伏查比年以來蒙匪猖獗各旗地面諸多擾害官兵力難遍及端賴各蒙員訓練士卒保衛人民茲既據該盟長扎薩克等呈請獎勵剿匪出力各員前來經臣院併案酌核擬請將署印協理台吉托布敦旺沁蘇倫二員進封爲頭等台吉管旗章京四等台吉達木金進封爲三等台吉梅楞章京珠爾莫特扎蘭章京兼梅楞特古斯均以管旗章京陸用佐領額色勒克以參領陸用是否

有當理合據情恭摺具奏伏乞 皇帝陛下聖鑒訓示謹 奏

政事堂奉

批令托布敦等已有明令晉封矣餘如所請給獎即由該院轉行遵照此令

政事
堂印

洪憲元年二月十六日

國務卿陸徵祥

直隸巡按使朱家寶奏調任陝西榆林道尹何炳庠現丁父憂懇准予開缺摺

奏為調任陝西榆林道尹現丁父憂詳請籲懇 准予開缺治喪恭摺仰祈 聖鑒事竊據仰任大名道

尹何炳庠詳稱四年十一月二十日奉 策令任命何炳庠為陝西榆林道道尹此令等因奉此遵於本年

一月十四日交仰大名道篆旋至天津寓所親父因觸發舊疾於一月二十八日病歿伏念炳庠宣防從事祇

勞軼掌於簿書定省久疏未獲親嘗夫湯藥陳情恨晚內疚尤深一介庸愚渥膺 簡擢由微員而洊躋道

尹歷差缺而兼攝鎮符夙荷 恩慈愧無報稱矧遺訓以忠貞為勸時事尤盤錯多艱報 國之日方長

服官之年尙壯懇求開去榆林道道尹一缺以免久曠職守而得安心治喪等情詳請具奏前來臣查該道尹

在大名任內施措安詳尙能盡職漢陽河工兩次合龍備歷艱險尤為人所難能茲因丁憂擬求開缺治喪不

敢墮於上聞所有道尹丁憂詳請籲懇開缺治喪緣由除咨內務部陝西巡按使外理合恭摺具陳伏乞

皇帝陛下聖鑒訓示謹 奏

政事堂奉

批令何炳庠著給假百日治喪毋庸開缺此令

政事
堂印

洪憲元年二月十六日

國務卿陸徵祥

安徽巡按使李兆珍奏簡任職人員鄭孝禮等請予分別叙官摺

奏為簡任職人員請予分別叙官謹造具履歷清摺恭摺仰祈 聖鑒事竊查文官官秩令第三條內開文

官授官加秩依左列之規定任簡任職者初叙中大夫進叙上大夫少卿加秩同中卿但歷職積資十二年以

上曾為簡任職者初叙得授少卿又第六條內載凡授官進官加秩係簡任職由 上令行之各等因所有

京外簡任各職應行叙官人員業經先後奉 令分別叙授在案茲查安徽政務廳廳長鄭孝禮安徽全省

警務處處長兼任安徽省警察廳廳長朱家珂現尙未蒙叙官查該員等均係現任簡任職人員應如何叙

授之處理合造具該員等履歷清摺恭摺具陳伏乞 皇上聖鑒訓示謹 奏

政事堂奉 批令交政事堂飭銓叙局核叙摺並發此令

政事堂印

洪憲元年二月十六日

國務卿陸徵祥

江西巡按使戚揚奏分發縣知事段錫三等到省一年期滿照章甄別繕單請示摺(附單)

奏為分發縣知事到省一年期滿照章甄別恭摺仰祈 聖鑒事竊查縣知事甄別章程第三條到省甄別

凡分發任用縣知事應自到省之日起扣滿一年由該長官認真考核出具切實考語呈報照章補用第五條

有左列各項資格之一者得免到省甄別甲曾任實缺州縣以上人員乙曾在差在缺著有成績得賞勳章

及奉令嘉獎人員又准內務部咨雙單鶴章及棠蔭章均係獎章不得以勳章論惟各員如在知事任內得有

此項獎章者自係在任辦事得力著有勞績之員應准一律免予甄別各等因所有贛省應行甄別各知事自

應遵照定章辦理茲查有分發到省已滿一年知事段錫三賀泰壽陸秉鈞程佩賢張克家左樹璫瞿寶祚劉

孟涵馬兆琳蕭元傑蔡高齋程幹鵬梁琮楊文淵傅汝楫吳孝忱盧啟賢王贊皇楊師濂李繼麟張道甫李雲
 霄張翎翎汪慰邱嘉讓杜應魁梁之柱杜甄許維翰徐友梧惲祝三翁慶餘陳謙林振鑾江永彭葆仁齊守樸
 齊兆桂尹光勳張慶祺汪浩涂壽田李鳳高許植材涂步瀛鄭式歧劉子瞻韋榮齡傅運炎夏致績五十員經
 臣隨時逐加考核或饒有學識或究心治理均堪以縣知事照章補用又楊道隆在前署寧都縣任內余煥文
 在前署宜黃縣任內均因驗契出力得有金質軍鶴章張濟善前清曾准補福建安縣知縣馬文兆前清曾
 選授會昌縣知縣鄭宗霖前清曾選授東鄉縣知縣均得免到省甄別除咨陳內務部查照外謹將分發任用
 縣知事應到省甄別及免甄別人員繕單恭摺具陳伏乞 皇帝陛下聖鑒訓示施行謹 奏

政事堂奉

批令悉交內務部查照並由政事堂飭銓叙局查照單並發此令

政事堂印

洪憲元年二月十六日

國務卿陸徵祥

謹將分發縣知事到省一年期滿應行甄別及應免甄別各員繕單恭呈

御覽

計開

段錫三民國三年五月五日到省

賀泰壽民國三年五月八日到省

陸秉鈞民國三年五月十二日到省

程佩賢民國三年七月六日到省

張克家民國三年七月二十一日到省

左樹璜民國三年七月二十一日到省

瞿寶祚民國三年七月二十二日到省

劉孟涵民國三年七月二十五日到省

馬兆琳民國三年七月二十六日到省

蕭元傑民國三年七月二十九日到省

蔡嵩燾民國三年八月十九日到省
 梁 琮民國三年八月三十日到省
 傅汝楫民國三年十一月十五日到省
 盧啟賢民國三年十一月十九日到省
 楊師濂民國三年十一月二十日到省
 張道南民國三年十一月二十二日到省
 張鵬翎民國三年十一月二十三日到省
 邱嘉謨民國三年十一月二十四日到省
 梁之柱民國三年十一月二十四日到省
 許維翰民國三年十一月二十五日到省
 惲福三民國三年十二月二日到省
 陳謙民國三年十二月六日到省
 江 永民國三年十二月九日到省
 齊守樸民國三年十二月十五日到省
 尹光勳民國三年十二月十六日到省
 汪 浩民國三年十二月十六日到省
 李鳳高民國三年十二月十七日到省
 涂步瀛民國三年十二月二十一日到省
 劉子瞻民國三年十二月二十三日到省
 傅運森民國三年十二月二十六日到省

程幹顯民國三年八月二十三日到省
 楊文淵民國三年九月十四日到省
 吳孝忱民國三年十一月十九日到省
 王贊皇民國三年十一月十九日到省
 李繼麟民國三年十一月二十一日到省
 李雲霄民國三年十一月二十二日到省
 汪 慰民國三年十一月二十三日到省
 杜應魁民國三年十一月二十四日到省
 杜 甄民國三年十一月二十四日到省
 徐友梧民國三年十一月三十日到省
 翁慶餘民國三年十二月六日到省
 林振鑾民國三年十二月九日到省
 彭葆仁民國三年十二月十日到省
 齊兆桂民國三年十二月十五日到省
 張慶樞民國三年十二月十六日到省
 涂壽田民國三年十二月十七日到省
 許植材民國三年十二月十七日到省
 鄭式歧民國三年十二月二十三日到省
 韋榮齡民國三年十二月二十五日到省
 夏致績民國三年十二月二十八日到省

廣東省長公署
 第一二三四五六七八九十
 第十一號

三
 二
 一

以上五十員到省均滿一年堪以留於江西照章補用

楊道隆民國三年五月一日到省

張濟善民國三年五月五日到省

鄭宗霖民國三年十二月九日到省

余煥文民國三年五月二日到省
馬文兆民國三年五月十四日到省

以上五員到省均滿一年或曾在署任得有金質單鶴章或曾任實缺知縣照章應免甄別
江西巡按使戚揚奏現署縣缺知事阮斌士等到省一年期滿照章甄別繕單恭摺仰祈 聖鑒事竊查縣知事甄別章程第三條內

奏爲現署縣缺知事到省一年期滿照章甄別繕單恭摺仰祈 聖鑒事竊查縣知事甄別章程第三條內開凡分發任用之縣知事應自到省之日起扣滿一年由該長官認真考核出具切實考語呈報分別照章補用等語江西自民國三年四月起至九月止到省應行甄別及免甄別之現署縣知事前經繕單奏奉 批令遵照在案茲復查有續經到省現署萬年縣知事阮斌士初膺民社留心吏治現署龍南縣知事賀方斌志趣樸實心地光明現署峽江縣知事沈文傑志趣向上辦事勤慎現署粵都縣知事陸啟心地明白事有條理現代寧岡縣知事毛齊煥辦事勤慎頗知振作現署永新縣知事吳孝悌勇於有爲才堪造就現署都昌縣知事饒宗義學問優長頗有經驗現署廣昌縣知事鄭振纓宅心和厚措施得宜現署湖口縣知事劉震鴻辦事平穩地方安靖現署瑞昌縣知事童光旭尙有經驗勤求治理現署武寧縣知事丁銘忠任事勤奮頗知振作現署弋陽縣知事吳春傑老成練達識力俱優現署瑞金縣知事夏蘇會才具明幹有守有爲現署豐城縣知事王壽搏舉止安詳性情溫厚現署鉛山縣知事孫宗華辦事老成踐履誠篤現署萬安縣知事林佩細心精力果求治願勤現署興國縣知事余鳴謙年壯才明辦事勤奮以上共計十七員於民國三年九月至十二月先後到省扣至現時各屆一年期滿經 臣詳加考核均堪留於江西分別補用除咨陳內務部查照外合將現署縣缺知事到省一年期滿照章甄別繕單恭摺具陳伏乞 皇帝陛下聖鑒訓示施行謹 奏

政事堂奉

批令悉交內務部查照並由政事堂飭銓叙局查照單並發此令

政事
堂印

洪憲元年二月十六日

國務卿陸徵祥

謹將現署縣缺知事到省一年期滿照章應行甄別各員繕單恭呈

御覽

計開

現署萬年縣知事阮斌士民國三年九月二日到省

現署龍南縣知事賀方斌民國三年九月四日到省

現署峽江縣知事沈文傑民國三年十月十七日到省

現署零都縣知事陸啟民國三年十月十七日到省

現代寧岡縣知事毛齊煥民國三年十一月十九日到省

現署永新縣知事吳孝悛民國三年十一月二十日到省

現署都昌縣知事饒宗義民國三年十一月二十一日到省

現署廣昌縣知事鄭振纓民國三年十一月二十四日到省

現署湖口縣知事劉震鴻民國三年十一月二十八日到省

現署瑞昌縣知事童光旭民國三年十一月二十九日到省

現署武寧縣知事丁銘忠民國三年十二月十日到省

現署弋陽縣知事吳春傑民國三年十二月十二日到省

現署瑞金縣知事夏錕會民國三年十二月二十六日到省

現署豐城縣知事王壽搏民國三年十二月二十七日到省

現署鉛山縣知事孫宗華民國三年十二月二十八日到省

現署萬安縣知事林佩湘民國三年十二月二十八日到省

現署興國縣知事余鳴謙民國三年十二月二十八日到省

署四川巡按使陳宦奏報四年十二月分委署各縣知事繕單請鑒摺(附單)

奏為民國四年十二月分委署各縣知事繕具清單恭摺仰祈 聖鑒事竊查川省委署各縣知事歷經按

月具報在案所有四年十二月分飭委署代理各縣知事除將年貫履歷造冊咨送內務部暨銓叙局查照

外理合繕具清單恭摺具陳伏乞 皇上聖鑒訓示謹 奏

政事堂奉 批令悉交內務部查照並由政事堂飭銓叙局查照單並發此令



洪憲元年二月十六日

國務卿陸徵祥

謹將民國四年十二月分飭委署代理各縣知事繕具清單恭呈

御覽

計開

署江油縣知事李文蕃調省遺缺以特分知事蔣紹彝署理

署萬縣知事葉啟祐調省另有差委遺缺以分發知事張仲友署理

署榮經縣知事梁士諤撤任遺缺以分發知事張銘署理

署冕寧縣知事劉淦撤任遺缺以特分知事馬式金署理

署雲陽縣知事鄭欽調省遺缺以分發知事朱世輔署理

署江北縣知事羅必傳丁憂遺缺由東川道道尹劉體乾電請以分發知事陳保頤代理

代理鄒水縣知事劉舒錦改為署理

代理中江縣知事劉秉鈞改為署理

察哈爾都統張懷芝奏揀員王丙彜代理涼城縣知事員缺摺

奏為揀員代理縣知事員缺以裨地方而資治理恭摺仰祈 聖鑒事竊查前代理涼城縣知事郭景周於

上年秋間因病請假遺缺經前都統委派卸任多倫縣知事林茂亭暫行代理未及呈報即行交卸臣蒞任後

正在覈辦間道據該代理涼城縣知事林茂亭因病辭職自應揀員往替以重地方查有咨調改分察區候補

縣知事王丙彜現年四十歲山東濰縣人於第一屆知事試驗保薦免試審查及格分發順天任用民國四年

六月經前都統咨調來察該員才具優長辦事穩練以之代理涼城縣知事洵堪勝任所有揀員代理縣知事

員缺以裨地方而資治理緣由除咨陳內務部查照外理合恭摺具陳伏乞 皇帝陛下聖鑒訓示遵行謹

奏

政事堂奉 批令悉交內務部查照并由政事堂飭銓叙局查照此令

政事堂印

洪憲元年二月十六日

國務卿陸徵祥

察哈爾都統張懷芝奏總管卓特巴札普因公赴京籲懇親見據情代奏摺

奏為總管卓特巴札普因公赴京籲懇親見據情代奏恭摺仰祈 聖鑒事竊據牛羊羣總管卓特巴札普

詳稱總管前因剿辦逆匪巴布札普案內出力渥荷 聖恩賞給陸軍中將勳位勳章當將感激下忱詳請

轉奏在案總管現因護送喀拉喀業古哲爾呼圖克圖一同到京擬請 恩准親見俾得仰瞻 天顏叩

謝 鴻施藉伸微憫伏乞轉奏等情前來據此查該總管因公來京情殷展覲出自惻誠合無仰懇 恩
施准予覲見之處出自 聖裁所有總管卓特巴札普擬懇覲見緣由除咨陳蒙藏院查照外理合據情代
陳伏乞 皇上聖鑒訓示祇遵謹 奏

政事堂奉

批令准其覲見交蒙藏院查照此令

政事堂印

洪憲元年二月十六日

國務卿陸徵祥

察 陸爾都統張懷芝奏察屬各軍事機關遵照懲治盜匪法詳經核准槍斃盜犯列表彙報摺
奏為察屬各軍事機關遵照懲治盜匪法詳經核准槍斃盜犯列表彙陳恭摺仰祈 聖鑒事竊自奉懲治
盜匪法 頒布後遵飭所屬各縣暨各軍事機關依法辦理詳經 臣核准槍斃各案業經按月分別彙陳在
案茲查自民國四年十二月一日起至三十一日止由各軍事機關先後奉獲遵法訊辦盜匪各案經 臣核准
槍斃者共六名除分咨內務陸軍司法三部查照外謹將察屬各軍事機關民國四年十二月分所有依法執
行槍斃盜匪各案暨人犯名數遵章摘叙案由分晰列表恭摺具陳伏乞 皇帝陛下聖鑒謹 奏

政事堂奉

批令悉交內務陸軍司法三部查照表並發此令

政事堂印

洪憲元年二月十六日

國務卿陸徵祥

咨

籌備國民代表大會事務局咨國民代表選舉監督

熱河綏遠察哈爾都統 蒙藏院總裁 各省將軍巡按使 京兆尹 福建貴州護軍使 川邊鎮守使

會黑龍江省選舉監督冊報先後辦理兩項投票情形一摺奉批交部查照鈔錄咨請查照文

為咨行事本局奏報國民代表大會據黑龍江省國民代表選舉監督冊報先後辦理選舉投票暨決定國體投票情形一摺於本年二月三日承准政事堂奉批令交內務部查照單并發此令等因奉此相應恭錄

批令并鈔原摺咨請貴監督查照可也此咨計咨送鈔摺一件

籌備國民代表大會事務局局長顧 釐

局印

洪憲元年二月十九日

吉林巡按使公署咨政事堂印鑄局遵令將外交部吉林交涉署民國四年分發文號數列表送登公報

文(附表)

為咨行事查公文程式令第十八條載本令所揭各項令狀依年月日先後編號每一年更易一次自第一號起至何號止於政府公報公布之等語自應遵照辦理茲將外交部吉林交涉署民國四年分所有發文分類編號列為統計表咨送貴局請煩查照登載此咨

計咨送外交部吉林交涉署四年分發文分類編號表一紙

吉林巡按使王揖唐

洪憲元年二月十九日

外交部吉林交涉署中華民國四年分發文分類編號表

公文類別

編號

起止

呈 第一號起

第一號止

詳 第一號起

第一三十九號止

照會 第一號起

第一二七號止

外函 第一號起

第四十六號止

內函 第一號起

第一九十一號止

牒 第一號起

第七十六號止

咨 第一號起

第一七十四號止

電 第一號起

第四十六號止

飭文 第一號起

第二六十號止

批 第一號起

第一八十八號止

示 第一號起

第十號止

委任狀 第一號起

第八號止

統計一千三百六十六號

人丹
 藥品
 蘇疾如意丸
 日光丸
 紅丹
 藥品
 藥品
 藥品
 藥品
 藥品
 金銀花車前子
 遠志
 藥品
 藥品
 遠志
 尤
 草蒺子黃芩
 玻璃器具
 藥品
 藥品
 藥品
 紅花
 九蒸地黃
 桑寄生
 五倍子
 祁蓬米

上海中華製藥公司
 北京四氏藥室
 福州壽人氏藥房
 天津邱靜波
 上海宏達藥行
 北京慶大藥房
 北京乾元堂
 北京同昌泰茸莊
 北京廣培室
 天津百度藥房
 江蘇徐樹昌
 山西馮宗文
 吉林永義棧
 章達臣
 山東石多祐
 浙江泰順縣陳毓康
 山東張丕矩
 北京首善工廠
 直隸靜海縣于光榮
 山西王國楫
 奉天慶餘堂
 淮陰同仁堂
 浙江新登縣同福商號
 陝西五福堂
 陝西岳平傳
 陝西王立業
 直隸萬盛魁

籌備國民代表大會事務局通告

爲通告事此次決定國體事件發端於全國國民之迫切請願參政院代行立法院以此事關係國本據約法之規定應聽解決於全國國民特議設立正大之機關以徵求真確之民意於是國民代表大會之設自國民代表大會組織法公布以來本局爲法定之籌備機關會同各地方監督長官依法籌辦自調查選舉人組織選舉會以至選舉代表決定國體均經先後依法辦理完備代行立法院彙綜全國國民代表所投之決定國體票以一千九百九十三票之全體一致贊成依國民代表大會組織法第一條之規定代表國民全體之公意決定爲君主立憲並據全國國民代表及全國人民推戴書推戴 大總統袁公爲中華帝國皇帝均經先後公布在案國體問題至此已完滿解決國民代表大會一應籌備事務亦至此一律完成國家本根庶幾底定而其中層累曲折之情形及各方面所主張之理由與其不得已之苦衷容有爲一地方一鄉邑人民所未能盡悉者本局職司籌備見聞較切用特撮舉大要通告國民查全國國民請願之始其請願書多至百起以上論其地則自二十二省各特別行政區域蒙回青海西藏以及海外僑民論其人則學士大夫農工商實業以及各項公會團體雖請願之理由言人人殊而其懲既往之流失怵將來之隱患以一勞永逸之計爲久安長治之圖則固萬口同聲舉國一轍今試就其言之最深切者爲我國民告焉如謂天澤之辨伊古維嚴君臣大義同於父子以宗法爲國家之本即以齊家爲治國之源國性精神端在於此一旦易天秩爲平等不免等君父於路人倫紀蕩然國將焉賴雖曰以國家爲本位而無形之國家思想何能普及於一般人民茫茫人類將如散沙社會失其關聯國家何由存在此從倫理論之而知共和之不宜於我國者也又謂中國政治淵源本於天道首出庶物之人厥爲乾坤宗子以天道之神聖淵穆愈以增君主之尊嚴王命所在雖婦人女子亦能知所廢興用以奠定邦基又安黎庶若元首可自齊民選出將人懷可取而代之心權利競爭禍將靡底此從治本論之而知共和之不宜於我國者也又謂國家創業垂統肇始義軒數千年歷史相承君統未嘗中絕即在羣雄割據之時而正統偏安猶待史家論定凡以明一日不可無君之義即可知四海攸賴一人之殷改革以來羣龍無首變故迭生邦基墮圯賢智者日夕憂疑惟魯者莫知所措設更委心任運恐不免神州陸沉此從歷史論之而知共和之不宜於我國者也又謂歐洲各共和國區域均不甚廣北美例外已近聯邦

我國方里四千萬而且五族各異其性南北各異其宜苟中央權力稍輕則四境難施統馭以數千年五族一家之偉大民族豈可令其豆剖瓜分此從地理論之而知共和之不宜於我國者也又謂辛亥事變起於倉猝國體問題未遑過計改革甫經一載禍敗即已橫生值元首改選之交遂生輟寧之亂中原鼎沸生民塗炭勞師糜餉幸以救平而東南民力於是盡矣人民經一度之變亂每念及國家根本常惴惴於禍至之無日社會事業無一進行國家政務因之止步不得已而延長總統任期而人民慮遠思深以為將來之禍變終不能免且禍變之推測愈遠則國事之停滯愈多我國國際地位已在四面楚歌之中欲圖生存競爭豈能長此終古此就往事驗之而知國體之必宜變革者也又謂國勢之強強於眾志必普天皆無異嚮斯治化乃期有成民國成立以來因繼體者無惟一適當之人故不免各存希冀明知無百年不易之主遂人人存先事準備之心或暗中擁戴一人或設法把持一地以堂堂一統之中國而內容已兆瓜分統治者非不才略過人而全副精神恆疲於對付之中而莫由以自展識時之士深用隱憂不及早改弦更張則分裂之為期不遠此就近事考之而知國體之必宜變革者也又謂國家趨勢非立憲不能圖存然立憲者定國家百年之大計謀教育實業軍事之發達其事至大程功至久又非朝不保夕之國家所可望也而細察我全國國民心理以為將來競爭大總統之戰亂不知已於何時後來之事思之寒心方備亂之不暇而何有於致治若不從根本改革無論為大總統者如何賢明不過多方設法以維持現狀已爾欲求立憲以謀國家之進步南轅北轍其道無由此就將來論之而知國體之不可不從速變革者更有就君主與立憲相互關聯之處立論者略謂天下之生一治一亂考五千年歷史異姓代興之事多至二十餘朝或數百年而一易或數十年而一易甚或數年而一易其開創之君非不雄才大略規模宏遠無如數傳而後法度漸弛遺澤就溷國統遂絕六朝五代之際君位直如奕棋人民蕩析離居幾於不可終日論者每舉以為君主制病而不知此非君主制之病君主而不採用立憲制之病也世界各國政治均由人治時代晉而為法治時代而中國政治蓋猶有數千年來人存政舉之選思前此治亂相循邦基不固國是未定厥有由來現在欲求立憲既以君主為前提而實行君主制度尤必以立憲為要義查東西立憲國家有強固之政府以擔負責成有穩健之議會以協贊政府上下相與之際各有一定之法令以為運行君主總攬大權實居於調燮之地位相推相讓以劑其平英主無所增中主無所損故國家元首雖等於神聖之尊嚴而其實實立於政治潮流之外有政府與人民接近之事而無君與民衝突之

事國有長君固係國家之福即有時極君以沖齡踐祚亦不至搖動邦基世界立憲國家其政治史亦可取而覆按也我國若於決定君主立憲國體後使憲政得以實行是有數千年君主之利而無數千年君主之弊政治革新遠軼三五矣此就君主立憲綜合言之而知中國之國體政體舍此更無他道也以上各種理由特就全國國民歷次請願書中所主張舉其較重者言之餘者尙更僕難盡成編具在可以覆徵代行立法院因其言之痛切而有益於事勢也以決諸國民之公意而全國之國民代表亦遂人同此心同此理以相與有成使我五千年聖聖相承之君主國體回復舊觀各強國盛行之立憲政治得所期望猗歟盛哉固係我國民程度之高而以國民組織國家以國民推戴君主開世界最新之特例留歷史無上之光榮試以此次改革與從前征誅之局相較征誅者克以武力彼此不免猜嫌非厲行專制之後難言民意此次改革純出於民意之協同全國上下共此一心憲政之進行法治之國家即可由斯起點再以此次改革與從前揖讓之局相較揖讓之授受終未能出自人民其君民之感孚恐不能異常融洽此次推戴純出於民意之愛戴君民之際不啻家人好民之所好惡民之所惡斷不至稍形隔膜故自君主立憲國體確定以來今上皇帝以救國救民之業願爲國利民福之良圖於國家根本問題則從速制定憲法定期召集民選之立法機關於國家行政事務則派員調查弊稅爲刷新財政之圖下令考試甄用人才爲延攬賢能之具其附屬於數千年來君主國體之一切弊政如沿用閹人採選宮女以及拜跪奔走繁文縟節等等又已明令聲明概從屏棄永懸厲禁併聲明總期君主稅政悉予掃除等因開國規模權輿於此上年十二月十三日國體既定文武官吏觀賀皇帝於居仁堂 皇帝面諭臣工謂現在全國人民以我國不適共和議定改建國體爲君主此爲人民心理所趨向予自當以民意爲重已無討論之餘地予被全國人民推戴爲中華帝國皇帝自願實不勝慚悚我國國勢積弱險象四伏如求轉弱爲強殊非易事國家建造之始即當爲久遠大計來日方長更不知有幾許困難大位在身永無息肩之日故皇帝實爲一憂勤惕厲之地位決不可以安富尊榮視之且歷代皇帝子孫鮮有良善結果即平時一切學問職業皆有限制不能自由予今爲救國救民計犧牲一身犧牲子孫亦義不敢避惟中國至大國事至重予以一手一足爲力幾何所望大衆同心協力犧牲一切以救國家庶足匡予不逮此次籌備大典務宜刪削繁文不僅吾國歷代繁重之典禮不可蹈襲即世界各君主國現行之典禮苟有稍涉繁重者亦不必採用總之皇帝不過爲國家元首一種尊號至於立國精神全在上下協力堅苦卓絕若

予視皇帝爲尊榮則國家必不保即大衆如視皇帝爲尊榮則國家亦必危自今以後予與國民當共視爲臥薪嘗膽之日惟願各以國家爲重以期共濟艱難若國體既改而於政治不能整理進行不僅予無以對我國民即庶職百司亦皆無以對我國民也等語 天語煌煌羣衆感泣恭繹其義約有數端一國體決定後將來政治進行必有以慰全國人民之希望二犧牲一切以救國則決定國體事件實關於國家之久安長治不關於一姓之安富尊榮三籌備典禮力削繁文必一洗數千年君主稅政之積弊四因國事艱難願萬衆同心協力即爲實行立憲政治之精神此項鄭重宣言求之中西史乘均所罕覩凡我國民均應一心一德仰副聖懷矧自改元洪憲以來首 頒注重師範教育及警察法規之令凡所以爲增進國民智識維持國家公安計者用意至爲深遠而整理財政實行預算制度并以 明令聲明辦事者多節一分糜費即爲國家厚一分財源并即爲吾民養一分物力等因節用愛人之訓充足表示憲政精神至於國家政務應與應革事件現復通盤計畫虛懷採納以期利於民者無不興病於民者無不去唐虞三代之盛軌五洲萬國之隆規如果天佑中華行之十年必有治定功成之日溯自清末失政民瘼水火想望治平不可必得良善者坐困閭閻披瀝者輟耕隴上卒因救濟無法終不免以暴易暴之嫌如水益深如火益熱民生憔悴數年於茲今幸空前絕後之法定國民代表大會以全國一致之公誠定萬年不拔之君憲而代行立法院復以全國國民總代表之資格代表國民全體公意再三推戴惟 皇建極國乃永寧從此世際昇平造端伊始國家興替匹夫有責願各竭手足之能成此昌明之運國家幸甚國民幸甚特此通告

洪憲元年一月十日

●經界局經界學校招考廣告

本校隸屬經界局因養成經界職員起見特招本科及特科學員各五十名授以高等測量學及經界必要知識特科投考資格中學校畢業會習過各省陸軍測量學及工業專門學校土木科二三年級課程具有測量及數學根柢者本科投考資格曾在中學校畢業者各學員考取入學所有在學中學費膳費住宿費實習費等均由校中供給特科學員每人更月給膏火十元以資津貼畢業後一律歸經界局任用考試地點北京經界局上海大同學院考試時期三月一日至三日有志投考者請付郵票十三分向以上兩處領取詳細章程

籌備國民代表大會事務局通告

爲通告事本局此次籌備國民代表大會悉依國民代表大會組織法之規定辦理所有與各監督往來文電均確遵法律不越範圍并隨時送登政府公報本局爲法律上籌備機關業於上年十月十二日呈報籌備進行辦法文內聲明此後國民代表大會之組織既爲國家大法所明定則國民代表之如何選舉亦即爲國家大政之所關國家大政應依法定標準而行所有法定籌備機關及法定監督機關如何執行法律悉應以官文官電爲準此外報紙揭載若於國民代表大會有關事件除係照登業經宣布之官文官電外其或得諸傳聞或出諸懸揣苟有與法定辦法不符之處在各該報紙即無故淆觀聽之心而事關國家根本大計似未便任其訛以傳訛致與代行立法院格外審慎之情有違擬請在國民代表大會籌備進行期內除國民代表大會組織法當然遵守外即組織法所未備者亦以法定之籌備機關監督機關依法發布之官文書爲準其在法律範圍內者各報章如有登載錯誤之處即由各監督轉飭地方官署隨時查明更正等因復於上年十月十六日諫電將上項辦法通電各監督長官又於上年十月十七日條電以國民代表大會組織法公布以後之私人函電如果在法律範圍之內本非絕對不可採用惟此事既係依法辦理則無論如何運用終不能大遠於立法之精神本局開辦之初即有鑒於此曾經呈明 大總統略稱組織法公布以前之種種議論均以組織法爲歸宿組織法公布以後之種種辦法一以組織法爲標準等因通電各監督長官聲明迅速依法籌備各在案乃自慎事發生後竟有假託本局名義或其他箇人名義捏造電報送登各報者閱之不勝駭異查本局電報上年十月間既已通電聲明以依法發布之官文書爲準此項捏造電報係在原呈所謂不在法律範圍內者之列亟應通電再行聲明應請各監督轉飭地方官署遵照上年通電查明更正以免誤會總之國民代表大會事關國家根本大計各省各特別行政區域監督長官依法辦理既爲地方人民所共見即非一紙電報所能私況各縣初選當選人選舉之調查審查其舉辦時期確在國體請願事件尚未發生以前各該初選區域但有舞弊違法之事本局無不立予依法糾正全案多已載諸政府公報豈能指爲預有操縱之心迨籌備國民代表選舉期內凡所謂依照法定程序及確依法律範圍之電幾於日有數起當其時舉國人心望治若渴汲汲於早定國是或尙不免有以本局拘文牽義爲本局詬病者觀過知仁則本局執行法律之善衷即可以拘牽而證明其尊重而謂本局敢於法律範圍以外有所行動耶現在各省各特別行政區域

籌辦國民代表選舉投票各項實在情形業准先後咨報冊報到局本局當即隨時分別彙報有案是法定全國國民代表之如何依法選舉如何依法投票辦理者既非一人舉行者復非一地監督本各有責任籌備亦初無成心法律範圍始終恪守檔案具在事實難誣未容以杯弓蛇影之談疑及於舉兩策風之好除通電聲明假託本局名義暨簡人名義所登非法電報係屬捏造或由各報紙傳聞失實所致應依上年十月十六日本局通電由各監督長官轉飭地方官署查明更正外特此通告

●通告中外商民人等

財政部為通告事查雲南省現有亂黨擁兵謀叛難保不乘時濫發軍用鈔票希圖獲利亟應預為宣布以免華洋商民行使收用自貽後累為此登報通告華洋商民人等如果雲南省有亂黨發行軍用鈔票等物切勿行使如果收用將來中國政府不負責任勿謂言之不預也恐未週知特此通告

●永增軍裝局刺繡廠廣告

逕啟者自祭祀服章發表本廠即時成立專做各任冠服朝賀吉服女界禮服工精料美頗蒙顧客歡迎今更悉心研究創造繡金製品如各王公金花禮服陸海軍警察禮服金領袖章以及外交各部金花禮服均可照章繡做較諸舶來品有過之無不及並自造海陸軍警察各等禮服金肩章倫蒙光顧祈駕臨打磨廠西口內本號接洽可也
電話南局五五四 又二二五二

●三年及四年公債利息二月撥款妥存銀行

購三年及四年內國公債票諸君請鑒本年二月分利息各十二萬元共二十四萬元現已收到並存於中國交通兩銀行登列公債利息項下預備屆時提撥特此奉聞

大中華帝國海關總稅務司內國公債局協理安格聯謹啟

●中國銀行告白

查本行招考預備員練習生章程每年三九兩月考取新生兩次現因去年九月間考取新生額數較多尙未

第二期第四期法全書八冊自臨時政府成立之日起截至元年十二月末日止定價大洋二元五角外埠加郵費洋一角六分

元年第一期法全書八冊自臨時政府成立之日起截至元年十二月末日止定價大洋二元五角外埠加郵費洋一角六分

二年第一期法全書四冊自二年一月起截至三月末日止定價大洋一元二角外埠加郵費一角一分

二年第二期法全書四冊自二年四月起截至六月末日止定價大洋八角外埠加郵費九分

二年第三期法全書四冊自二年七月起截至九月末日止定價大洋一元二角外埠加郵費一角一分

二年第四期法全書五冊定價大洋一元外埠加郵費洋一角一分

三年第一期法全書職員錄現已出版法令全書四冊定價大洋一元四角外埠加郵費一角三分

三年第二期法全書職員錄現已出版法令全書四冊定價大洋一元六角外埠加郵費一角三分

三年第三期法全書四冊定價大洋一元六角外埠加郵費洋一角三分

三年第四期法全書四冊定價大洋一元六角外埠加郵費一角三分

四年第一期法全書四冊定價大洋一元二角外埠加郵費一角三分

四年第二期法全書二冊定價大洋一元外埠加郵費一角一分

凡批發四十部以上均照價八折國外郵費另計

本局四年第二期法令全書職員錄出版廣告

本局刊行法令全書職員錄四年第三期現已出版法令全書每部二冊定價大洋一元三角外埠加郵費一角三分職員錄每部六冊定價大洋一元五角外埠加郵費二角二分特此廣告發行所

政府公報 廣告七 二月二十三日第四十八號

王 府 井 大 街 政 事 堂 印 鈔 局 發 行 課

●北京電話局緊要廣告

敬啟者現在西城一帶綫額已滿而敝西分局雖籌備一切目下因歐戰未停所有訂購各料亦未能如期運到該處掛號待裝各戶接踵而至但非西局成立後決不能安機即東南城用戶欲移機至西城者以限於號額亦無從移置恐未周知特此廣告

●中國銀行廣告

本行於去年九月間派員赴滇籌設雲南分行並未開辦現在籌備各事均已停止並無對外發行之件如有冒用雲南中國銀行名義發行文件券據者本行概不負責特此聲明

●中國銀行啓事

政府公報主筆大鑒閱昨日順天時報載有滬上金融界恐慌之兆象一則峇稱據上海來函云中國交通兩銀行濫發紙幣現在現金為北京政府攫取殆盡日來兌換不能應付滬上商會現正會議對付方法等語披讀之餘不勝駭駭查敝行發行紙幣準備充足兌換便捷久為社會所知上海中外各銀行倉庫向由中外銀行公共團體每星期檢查一次現金數目登之報章所謂一貧如洗之說係滬上萬不可能之事為此函者乃非此而不知敝行現金在上海倉庫表上常在前列斑斑可考想更未之見矣至云北京政府攫取滬上現金尤屬昧於事實敝行經理金庫純採保管主義國庫支出自有國庫庫存並不牽動營業現金去歲各省解款踴躍中央庫款至陰曆年底除支下存有數百萬圓之多何至攫取行款更何至攫取滬行之款實際情形既如上述所謂某商人兌取現金商會議對付其為捏造不待煩言而解又一滬函云上海行長宋漢章逃走尤為荒誕敝行定章每屆年初各行長均會集於總行藉以報告上年營業狀況及會議本年進行方針如此辦法不始於今年今年到京者不止一宋行長滬上通斯函者是何目的誠不可知憑空虛構亦無擾亂金融之價值然該函誣議敝行欺騙社會烏可不據實以正其說除函請順天時報將敝函刊登報端以當更正外尙乞將敝函照登賞報至緝公誼敬頌著祺不一